

USA-p oqaluttuarisaanerata ilaa eqikkarlugu – Hawaii-p atanera

1826 – USA-p kunngeqarfik Hawaii nunatut imminut oqartussaaffeqartut namminersortutullu isinerarlugu nalunaarpoq.

1893 – Amerikamiut immakut sakkutuuisa USA-p isumannaatsuujuaannarnissaa qulakkeerniarlugu patsisiliullugu Hawaii tiguarpaat, USA-milu naalackersuisup Hawaii-mi amerikamiut erfalasuut qullarpaa suaarutigalugulu Hawaii USA-p illersugassarigaa. Tamatuma kingorna amerikamiut naalackersuisa Hawaii-p dronningiat Liliokalani pissaaneerullugu “illuartippaat”. (Dronningip akerliulluni nalunaarusiaa uani atuaruk <http://www.kanakamaolipower.org/history.php>).

1898 – USA-p “pisortatigoortumik” Hawaii tiguarpaa, naalagaaffimmut ilanngutsinissamut isumaqatigiissusiornissaraluani qulaatiinnarlugu, naak siusinnerusukkut soorlu Louisiana, Florida, Texas allallu naalagaaffeqatigiinnut ilannguttussanngormata isumaqatigiissusiortoqaqqaartaraluarsimasoq. Nunat tamalaat akornanni inatsisiliortarneq naapertorlugu naalagaaffimmut ilanngutsinissamut isumaqatigiissusioqqaarsimannginneq isumaqartinneqartarpoq nunap tiguakkap oqartussaassusia tiguaasumut tunniunneqarsimanngitsoq.

1959 – USA nuna tamakkerlugu qinersisitsivoq Hawaii-miut aperiniarlugit nunatut illersukkatut ingerlaannarumanersut, USA-miluunniit naalagaaffeqatigiinnut akuulerusunnersut. Inerneriumaagassaa ajornannginnerusunngorsarniarlugu Naalagaaffiit Peqatigiit (FN-ip) isumaqatigiissusiaanni apeqqutit pingajuattut taaneqarsimasoq Hawaii-miut namminersulivikkusunnersut apereqqaarneqarnissaannut piumasaqaat USA-p piaaraluni isiginngitsuusaaginnarpaa. Taamani Hawaii-mi sakkutuut 10.000-it taasineri amerlaqusiullugit USA-mut atalernissamut taasisut amerlanerussuteqalerput, taamaalillunilu Hawaii naalagaaffeqatiit iluanni naalagaaffiit 50-issaattut ilanngunneqarpoq.

2015 – Hawaii suli ‘Amerikap kaasareqarfiata’ nunasiaatit kusanarnersaraat, USA-llu Hawaii-miut namminersulerusukkaluartut suli pakkersimaartuarsinnarpai. Kisianni qanoq sivisutigisumik tamanna pissava...?

**Alianaraluartumik ulloq manna tikillugu Amerikamiut tamani tamaaniittut
suaarutiguarpaat *"Nunarsuatta qaavani nunat annersaraatigut!"*, meerartatillu
Aalajaatsuunissamut Neriorsuusiaminni qanoq oqartassasut ilinniartittarpaat?
*"...tamanut kiffaanggissuseq naapertuilluarnerlu ataavaqqullugit!"***

***Hawaii-miut namminersulivinnissartik pillugu suliniuteqarfiat
paasisaqarfiginerorusukkukku uunga alakkarit www.kanakamaolipower.org!***